

Es Schnüerli drum

Bruno Dietrich

Samichlous du liebe Maa
I wett das Jahr kes Gschänkli ha
Viu lieber wett i, dass d' chönntsch luege, dass di Hungrige z' Ässe hei

Samichlous du liebe Maa
Chasch nid mau luege mache z gah
Dass die wo gar nüt hei, mau ds Nötigschte bechöme wo si wei

Chumm mir näme chly Vernunft u tüe es Schnüerli drum Und schänke Solidarität ungerem Tannebaum

Samichlous du liebe Maa
Chönntsch nid i d Krise-Regionen gah
Und dert ga ds Chriegs-Spilzүүg verstecke, bevor no meh sinnlos verrecke

Was mues de alles no Bach ab gah
Bevor mir andlech wei verstah
Dass dä Planet es riise Gschänk isch, wo üs allne ghört z entdecke

Chumm mir näme chly Vernunft u tüe es Schnüerli drum Und schänke Solidarität ungerem Tannebaum Mir näme Liebi u Verstand u tüe es Schnüerli drum O wes no so utopisch schynt, mir blibe drann am Troum

Samichlous du liebe Maa
I hätt da es speziellers Wünschli gha
Chasch nid chly Liecht i ds Dunkle bringe, während däm i das Lied da singe

I ha so vii, i wott mau nüt
Chumm gibbs doch lieber arme Lüt
I zünde e Cherze a u i gloube dra